



Septemberip 26.-iat 2024

UPA2024/26

Ilinniarnertuunngorniartarneq pillugu Inatsisartut inatsisaata allanngortinneqarnera pillugu Inatsisartut inatsisaat (Ukiut pingasut sinnerlugit sivisussusilimmik ilinniarfigerusutamut akuerisaanissamut ilassutitut piumasaqaatit)

(Siunnersuuteqartoq: Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Siumuminngaanniit ilinniarnertuunngorniartarneq inatsisissatut ilassutissamut siunnersuut ukiuni sisamani ilinniarnertuunngorniartoqarsinnaalernissaanik imaqartoq, tassa maanna misiliutitut timersortartut ukiuni sisamani ilinniarnertuunngorniarnissaannik aaqqissuussap inatsisikkut sinaakkuserneqarnissaa akueraarput, siunissamilu assingusunik ilinniarnertuunngorniartarneq iluani aaqqissuusseqqittoqarataartoqassappat sinaakkuteqareersimanissaq aamma pissusissamisoormat.

Taamatut naatsumik oqaaseqarluta ataatsimiititaliamut ingerlateqqinngikkaluarlugu inatsisartunit akuerineqarnissaa Siumumiit inassutigalugu siunnersuummut qujavugut.

Najaaraq Møller

Siumut